

SAMOA

1. Igoa puupuu ma le amataga
2. Sui Usufono o le Fono a Sui Tofia ua avea ma sui auai o le Fuafuaga

2002, Nu. 18

O SE TULAFONO e teuteu ai le Tulafono o Penisione mo le Palemene 1998 ina ia faia ai aiaiga mo Sui Usufono o le Fono a Sui Tofia. *[22 Aokuso 2002]*

UA FAIA e le Fono Aoao Faitulafono o Samoa i totonu o le Palemene ua potopoto e faapea:-

1. Igoa puupuu ma le amataga-(1) E mafai ona taua lenei Tulafono o le Tulafono o Teuteuga o le Tulafono o Penisione mo le Palemene 2002 ma e tatau ona faitauina faatasi ma avea ai ma vaega o le Tulafono o Penisione mo le Palemene 1998 (o le “Tulafono autu”).

(2) O lenei Tulafono o le a amata faamamaluina i le aso e tuuina i ai le maliega a le Ao o le Malo.

2. Ua avea ma sui auai o le Fuafuaga Sui Usufono o le Fono a Sui Tofia – Ua teuteuina le fuaiupu 2 o le Tulafono atu -

- (a) I le faaofiina i ai ina ua tuanai le fuaiupu faasino '2', le faafuaiupu faasino '(1)'; ma
- (b) I le faaofiina i ai o faafuaiupu ua taua e faapea -
“(2) O le a tatau ona faatatauina Sui Usufono o le Fono a Sui Tofia e pei ona faamatalaina e le Mataupu 25 o le Faavae e avea ma sui auai o le Fuafuaga.
(3) O le a faauigaina ma faaaogaina le Tulafono, faatasi ai ma ni fetuunaiga ma ni suiga e pei ona talafeagai ai, ina ia mafai ai ona tuuina atu i Sui Usufono o le Fono a Sui Tofia se faiga e laugatasia ai ma Sui Usufono o le Palemene.
(4) Ua tuuina atu le malosiaga i le Komiti Faatino na te faia ai ni faiga e faafetaui ai iuga ma faiga e toe faaleleia ai le Tulafono ma le Fuafuaga e pei ona o le a talafeagai ai i:
 - (a) Ina ia mautinoa ai ua fai sao Sui Usufono o le Fono a Sui Tofia i se faiga e laugatasia ai ma Sui Usufono o le Palemene; ma
 - (b) Mafai ai e le Komiti Faatonu ona totogi atu i Sui Usufono o le Fono a Sui Tofia ia faamanuiaga e pei ona faatatauina e le Komiti Faatonu e avea ma tulaga e tutusa lelei ma faamanuiaga ua agavaa i ai Sui Usufono o le Palemene i lalo o le Fuafuaga.”

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**